



Ministério dos Transportes e Comunicações (MTC)
Direção Geral das Comunicações (DGC)
Direção Nacional de Meteorologia e Geofísica (DNMG)



EDISAUN VIII - Agostu 2026

Buletin Klimátiku Agostu

1/08/2026 - 30/08/2026



DNMG - Bazeia ba modelus klimatikus balu hatudu katak, Timor-Leste agora dadaun iha hela periodu bailoron, ne'ebe komprova husi monsaun Australia (Anin iha nível 850 hPa) no hatudu nia valor índice bo'ot liu kompara ho média klimatolojia nian. Tan ne'e, anin predominante husi sudeste. Iha parte seluk, kondisaun ENSO agora daudaun iha hela faze **EL NIÑO** ho kategoria **forte** no prevista katak faze ne'e rasik sei permanese to'o fulan hirak tuir mai.

- Iha fulan Agostu 2026, monsaun Australia ativa ona desde iha dekadal dahuluk husi fulan Abril, tan ne'e diresaun anin predominante husi Sudeste. Bazeia ba modelus meteorolojikus hatudu, maioria husi territoriu Timor experimenta udan ben ho kategoria BESIK liu NORMAL ho nia probabilidade $\pm 30\text{-}50\%$, exceptu parte balu husi rejiaun LESTE Lautem mak sei experimenta udan ho kategoria KI'IK LIU NORMAL ho probabilidade $\pm 30\%$. Signifika katak, distribuisaun udan be'en ba fulan Agostu, iha territorio Timor sei simu udan ben, maibe menus kompara ho media klimatolojia nian (**figura 1**).




Figura 1 – Probabilidade udan ben fulan Agostu

Kondisaun Atmosfera ba fulan Agostu

Relasiona ho lokalizasaun illa Timor nian, iha mos nesidade atu konsidera influensia fenómenos akoplados entre oceano-atmosfera hanesan: El Niño Oscilasaun Sul (ENOS), Dipolo Oceano Indico (DOI) no mos sistema escala intra-sazonal(40 dias) hanesan Madden-Julian Oscillation (MJO).

Iha (figura 2) hatudu katak Sistema ENSO, hanesan fator importante ne'ebe fahe ba faze 3(El Niño, Neutro no La Niña) ho kada faze influensia ba klima hodi modula udan been iha illa Timor-Leste. Tuir modelus klimatikus hatudu, agora dadaun ENSO ho nia valor (2.6°C), iha hela faze **EL NIÑO** ho kategoria **Forte** desde iha dekadal daruak husi fulan Jullu ne'e. Signifika katak, maske agora **EL NIÑO** ativa hela iha tasi pasifiku nian, maibe, Timor-Leste sei simu nafatin udan ben ho kategoria besik liu normal iha fulan Agostu. Sinal husi sistema ne'e, sei demora atu influensia diretamente klima iha ilha Timor. Signifika katak, Timor-Leste sei simu udan ben tarde durante tempu udan (Nov-Maio) tinan 2026-2027.




Figura 2 – ENSO Outlook(Fonte: APECC)

Iha parte seluk, DOI/IOD (figura 3) ba fulan Agostu iha faze **POSITIVU** desde dekadal daruak husi fulan Jullu ho nia valor normal (0.8°C). Iha faze ne'e, la iha sinal significativu atu influencia ba padraun atmosfera iha fulan Agostu nia laran iha ilha Timor.




Figura 3 - Index IOD (Fonte:BOM)

Iha (figura 4) nota katak, monsaun Asia oras ne'e daudaun la ativa ona desde iha dekadal dahuluk husi fulan Agosto no prevista katak, sei la kontinua ativa to'o dekadal ikus fulan Setembro. Nune'e mos monsaun Australia, oras ne dadaun ativa hela desde dekadal dahuluk husi fulan Abril no prevista katak sei kontinua ativa durante fulan Agostu-Setembro ho nia intensidade besik ho media klimatolojia.

Husi monsaun Aurlalia ne'ebe ativa hatudu katak, padraun anin sei influensia kondisaun atmosfera no laloran iha ilha Timor.




Figura 4 - Índice Monsaun Austrália (Fonte-BMKG)

Iha (figura 5) Padraun temperatura do ar ba fulan Agostu hatudu, maioria husi ilha Timor probabilidade ho valor POSITIVU $\pm$ (40-50%) ho kategoria BO'OT liu NORMAL. Indika katak, tendénsia ba temperatura bo'ot liu Normal kuaze iha territorio Timor. Tan ne'e iha fulan Agostu, território Timor sei continua experimenta temperatura do ar MANAS kuaze iha territorio Timor.




Figura 5 - Temperatura do ar fulan Agostu

Iha (figura 6) Oras ne'e dadaun, tuir analisa husi modelos klimatikus oin-oin ne'ebe hatudu, iha dekadal ikus husi fulan Jullu, sistema intra-sazonal (MJO) ativa hela iha rejiaun kontinente maritima (fase 4 & 5) no prevista katak, sei muda ba faze 6 & 7 (pasifiku oeste) to'o dekadal daruak fulan Agostu. Iha faze husi sistema ne'e rasik la iha potencia no sinal signifkativu atu influensia formasaun kalohan hodi favorese volume udan ben ho volume iha rejiaun husi ilha Timor.




Figura 6 - Previzaun MJO index (fonte: BOM)

Iha (figura7) Temperatura Superfície do Mar (TSM) ba fulan Agostu hatudu, oras ne'e dadaun anomalia TSM varia ho nia valor husi 0 to'o -0.5. Ho anomalia TSM ne'ebe prevista, hatudu katak temperatura superfisie tasi hahu malirin husi tasi mane nune'e mos tasi feto. Tan ne'e, illa Timor sei experimenta TSM ho potencia e tendensia ki'ik atu suporta atividade konveksaun no evaporasaun hodi intensifika intensidade udan iha ilha Timor.




Figura 7 - Anomalia TSM mensal ba fulan Agostu (fonte: APEC Climate Center)